

* *

Ալաշկերտից մեզ շատ տխուր լուրեր են գալիս: Այդ տաճկական գաւառի բոլոր հայերը պատրաստուում են գալթել գէպի Ռուսաստան, գլխովին զզուած լինելով հրոսակ քրդերի բռնաբարութիւններից և թուրք տեղական վարչութեան ապիկարութիւնից: Մինչև այժմ քրդերը իբրև աւազակներ էին գործում, իսկ այժմ՝ կազմակերպուած իբրև կանոնաւոր զօրք «Համիդիէ» անունով, օր ցերեկով աշկարայ խլում են հայ գիւղացու ունեցած չունեցածը, նոյն իսկ կառավարութեան աչքի տռաջ և անկասկած՝ տեղական իշխանաւորների զրգմամբ: Շատ գիւղերում բռնի ուժով խլել են հայ գիւղացու հողերը և իրենց անասուններին են ուտեցնում գեռ չհասած ցանքսերը: Կանանց, աղջիկների բռնաբարութեան և առեւտրութեան դէպքերը սովորական բան են դարձել: Կործես րաւական չէին տաճկահայաստակ քրդերը, մեր սահմաններից էլ ծածուկ փախչելով անցել են Ալաշկերտ, ինչպէս մեզ հաւատացնում են, մօտ 500 տուն ռուսահայաստակ քրդեր, որոնց տաճիկ իշխանաւորները բնակեցրել են հայ գիւղերում: Գալթականներից եկածները մեզ պատմեցին, որ բռնութեամբ խլել են հայերից Համատ և Խաչու գիւղերը, արտաքսելով քրիստոնեայ բնակիչներին և նրանց տեղը քրդեր լցրել: Գալթականների մեծ մասը մեր համբաւաւոր Ս. Յովհաննէս վանրի գիւղիցն են, այն է Ուշքիլիսայից, կան գալթականներ և հետեւալ գիւղերից: Մազրէ, Ղարաքիլիսա, Զրկանի, Երիցու գեղ, Մանկատար, Բոթի, Ղազի, Եօնջալու, Քուքըբան: Այս գիւղերի բնակիչներից մի քանի տուն գալթել են, մնացածներն էլ սպասում են հունձքը անեն և գալթելու են աշնանը: Հարստահարուած հայերը ոչ մի միջոց չունին Սուլթանի բարեգթութիւնը հայցելու: Տեղական իշխանաւորները նրանց գանգատները չեն խում և ցոյց տալով ռուսաց սահմանը, ասում են նրանց. «Եթէ մեզնից գժգոհ էք, գնացէք ձեր բարեկամ ռուսների մօտ»: Իսկ մեզանում հողի սատարիկ պակասութիւն լինելով, հարկաւ նորեկ գալթականները մնալու են առանց հողի և գիմելու են մութացկանութեան, կոտորուելով Երևանեան զաշտի իրենց համար անսովոր և անտանելի շոգ կլիմայից:

Որչափ էլ Մայր Աթոռ իւր ուժերը յինչոյէր, անշուշտ անկարող է գանձելու այդչափ գաղթականներին գոնէ ժամանակաւորապէս օգնելու: Ուրեմն և կրկնուելու են այնպիսի սարսափելի կոտորածները, որոնք տեղի ունեցան անցեալ ռուս-թրքական պատերազմի գաղթականութեանց ժամանակ, եթէ Ալաշկերտցիներն այս նոր գաղթականութեան առաջը չառնուի: Մենք հրաւիրում ենք Կ. Պօլսի Հայոց Ամենապատիւ Պատրիարքի ամենալուրջ ուշադրութիւնը այս տխուր իրողութեանց վրայ: Վերջապէս պէտք է յիշել Աւետարանի այն մոռացուած սուրբ խօսքը, թէ Հովիւ քաջ զանձն իւր զնէ ի վերայ ոչխարաց:

Թէ պատրիարքը և թէ Կ. Պօլսի Աղգային Ժողովը պարտաւոր են միայեալ ուժերով զիմել Վեհափառ Սուլթանին և արդարութիւն պահանջել հաւատարիմ կորած-մոյրուած քրիստոնեայ հպատակների համար, քանի որ գեռ բոլորովին ուշ չէ և բանը բանից չէ անցել:

Գաղթականները գանգատուում են մասնաւորապէս «Համիդիէ» զօրք անուանուած հրոսակների գլխաւոր՝ Ռահմի փաշայից:

Ամսիս 21-ին Մայր-Աթոռիցս դէպի Երուսաղէմ ուղևորուեց Միաբանութեանս կողմից Պատգամաւորութիւն Նորլնտիր Վեհափառ Հայրապետին ընդառաջ: Պատգամաւորութեան անդամներն են՝ երկու Սինօդական անդամք, Վերապատիւ Արխատակէս եպիսկոպոս Սեդրակեան և Գեր. Սարգիս եպիսկոպոս Տէր. Գառպարեան, և երկու արեղայք՝ բարեշն. Հ. Եփրեմ Սուքիասեան և Հ. Մեսրոբ Տէր-Մովսիսեան:

* * *

Մեծապատիւ բժշկապետ պ. Յովհաննէս Գառպարեանցը ի յիշատակ իւր վաղաթաւամ եղբորորդու Յարութիւն Գառպարեանի արել է հետևեալ բարեգործական նուէրները. 1. Ս. Էջմիածնի ճեմարանին 500 ռ. 2. Շուշուայ թեմ. դպրանոցին՝ 400 ռ. 3. Ներսիսեան դպ. 400 ռ. 4. Թիֆլիսի Հոգևորականների Ապա-

հոլութեան Արկղին՝ 300 թուրքի։ Այժմն էլ մեծ. բժշկապետը՝ կարգալու «Արարատի» հրաւէրը յօգուտ սովելոց՝ իւր ծխատէր քահանայ՝ Արժան. Ս. Բէգնազարեանցի՝ ձեռքով ուղարկել է 200 թուրքի։ Հ. Բէգնազարեանցը իւր կողմից աւելացրել է այդ գումարի վրայ 20 թուրքի։

* * *

Բազուից պ. Գ. Մ. Առափելեանցը ուղարկել է յանուն Ամենայատ. Տ. Տեղակալի հարիւր թուրքի սովեալների համար հետեւեալ երկոտողով. «կարգալու ձեր ազգասէր հրաւէրը «Արարատ» ամսագրում, Առևտրական Տուն Գ. Մ. Առափելեանց և ընկերութիւն իւր սրբազան պարտականութիւնն է համարում օգնել իւր չքաւոր և քաղցած եղբայրներին, ուստի ընդ սմին ներկակեալ ուղարկում է Ձեր Սրբազնութեանը հարիւր թուրքի աղքատ չքաւորներին հասցնելու համար։

Ներկայացուցիչ Առևտրական Տան Գ. Մ. Առափելեանց և ընկերութեան՝ Գրիգոր Մ. Առափելեանց։

Ս. Էջմիածինը տեսնելով ժողովրդի տագնապը, բաց արաւ իւր ցորենի ամբարները և գրեթէ իւր բոլոր պաշարը բաժնեց սովեալներին, ոմանց ձրի, ոմանց փոխարինաբար (առանց վերագրի) և մեծ մասին ծախելով ընթացիկ գնից պակասով, որով մեծապէս արգելք եղաւ ամբողջ երևանեան նահանգում՝ հացահատիկների գների չափազանց բարձրանալուն։ Բայց որչափ և մեծ լինի վանքի օժանդակութեան չափը (1200 խալուարից աւելի), այսուամենայնիւ միակ ուժով Մայր Աթոռն անկարող է եղած մեծ կարօտութեան առաջն առնել։ Մնում է որ բարեգործ ազգայինները շտապեն ըստ կարողութեան հետեւել Մայր Աթոռի տուած օրինակին, ինչպէս այդ արին պ. պ. Առափելեանցը և Գասպարեանցը։